



Број/Број:01,02,03,03/11,04/1-05-379/10
Сарајево/Sarajevo, 24.11.2010.

IZVJEŠTAJ SA SASTANKA MONITORING KOMITETA PARLAMENTARNE SKUPŠTINE VIJEĆA EVROPE, PARIZ, 16.11.2010.

Sastanak Monitoring komiteta Parlamentarne skupštine Vijeća Evrope održan je 16.11.2010. u Parizu. Na sastanku su učestvovalе: Alma Čolo i Ljiljana Milićević, zamjenice članova Delegacije Parlamentarne skupštine BiH u Parlamentarnoj skupštini Vijeća Evrope, te Edina Hrnjić, sekretar Delegacije, i Amila Žujo, prevodilac. Dnevним redom sastanka bila je predviđena razmjena mišljenja s članovima Delegacije Parlamentarne skupštine BiH u Parlamentarnoj skupštini Vijeća Evrope povodom općih izbora održanih u BiH.

Rasprava na Monitoring komitetu vođena je na osnovu izvještaja Ad hoc komisije Biroa Skupštine Vijeća Evrope o posmatranju općih izbora u Bosni i Hercegovini. Izvještaj je pripremio Tiny Kox (Holandija), predsjedavajući Ad hoc komisije. Uvod u raspravu na sastanku Monitoring komiteta imala je Karin Woldseth (Norveška), izvjestiteljica za Bosnu i Hercegovinu. Drugi opći izborи koje su samostalno organizirale bh. vlasti, prema ocjeni izvjestiteljice Woldseth, održani su korektno i u mirnoj atmosferi. Bitnom je ocijenila činjenicu da Centralna izborna komisija BiH uživa povjerenje predstavnika i lidera političkih stranaka, bez obzira na njihove političke pozicije ili etničko porijeklo. Ipak, gđa Woldseth naglasila je da su izborи ponovo održani uz ograničenje pasivnog i aktivnog biračkog prava po osnovu nacionalnosti i mjesta prebivališta, što predstavlja kršenje Protokola 12. uz Evropsku konvenciju o ljudskim pravima.

Ocjena izvještaja o posmatranju izbora je da Parlamentarna skupština Vijeća Evrope treba obavezati Bosnu i Hercegovinu da osigura da naredni izborи budu provedeni u skladu s demokratskim standardima Vijeća Evrope. Iznesen je prijedlog da se odmah nakon konstituiranja vlasti u BiH na državnom nivou nastave razgovori o izmjenama Ustava BiH i pokrene institucionalizirni proces u koji bi trebali biti uključeni predstavnici Venecijanske komisije i Vijeća Evrope uopće. U tom smislu, izvjestiteljica je predložila da Vijeće Evrope u februaru organizira okrugli sto u Bosni i Hercegovini na kojem bi trebala biti razmijenjena mišljenja u vezi s nastavkom procesa i načina izmjene Ustava BiH i izbornog zakonodavstva u svjetlu provođanja presude Evropskog suda za ljudska prava u predmetu Sejdić i Finci protiv BiH.

Članovi Monitoring komiteta postavljali su pitanja članovima Delegacije u vezi s pripadnošću političkim opcijama, budućim vizijama uređanja države, procesu konstituiranja vlasti u BiH, te tražili objašnjenja za različit pristup pojedinih političkih predstavnika u načinu ugrađivanja presude u Ustav BiH i izbornо zakonodavstvo. Neki članovi Monitoring

komiteta istaknuli su da političari u BiH moraju biti svjesni da međunarodna zajednica ne može raditi njihov posao, te da sami moraju doći do rješenja, kao i da je već bilo previše okruglih stolova na kojima se raspravljalo o izmjeni Ustava, ali bez uspjeha. S druge strane, neki od njih su smatrali da se Bosni i Hercegovini mora pomoći jer ona sama nije izradila svoj Ustav, a posebno jer je Ustav sastavni dio Međunarodnog mirovnog sporazuma. Ipak, na kraju je predloženo da VE nakon konstituiranja vlasti na državnom nivou u Bosni i Hercegovini organizira okrugli sto na kojem će biti pokrenut institucionaliziran proces ustavnih reformi u Bosni i Hercegovini.

Detaljniji nalazi posmatračke misije Parlamentarne skupštine Vijeća Evrope izneseni su u Izvještaju o posmatranju općih izbora u Bosni i Hercegovini koji se nalazi u prilogu.

Pripremila:

Edina Hrnjić

Sekretar Delegacije

Dostavljeno:

- kolegijima oba doma Parlamentarne skupštine BiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Delegaciji PSBiH u Parlamentarnoj skupštini Vijeća Evrope
- Kolegiju Sekretarijata PSBiH
- Ministarstvu vanjskih poslova BiH
- a/a